



Cussegl da vischnaunca  
20 - 2017/2020

# **Via d'uaul Sars – Punt da Brulf**

## **Project e credit per rinforzament e slargaziun**

### **M E S S A D I**

dalla suprastonza communal a al cussegl da vischnaunca

Preziau signur president  
Preziadas signuras cusseglieras  
Preziai signurs cussegliers

Entras la punt nova a Sars ei il territori dalla vart dretga dil Rein uss accessibels per transports da lenna viers Fontanivas. A Fontanivas sesanfla il plaz da lenna nua che la lenna vegn sortida e rasenada pil transport vinavon cun camiuns da 40 tonnas. Il respargn vid il transport da lenna ord ils uauls da Caischavedra ei gronds, sche quels transports san succeder dalla Punt da Brulf directamein viers Fontanivas e ston buca vegnir transportai sur Carcarola ed atras il vitg sin in plaz da lenna. Plinavon vegn cun la varianta da Brulf a Fontanivas il disturbi da canera e traffic

atras il vitg da Mustér reducius considerablamein. Muort quell'interessenza forestala ha igl uffeci d'uaul e prighels dalla natira dil Grischun era contribuì ina cumpart finanziaria vid la punt nova dil Rein a Sars. Per quei intent ei il slargament da quei tschancun indispensabels. La via actuala posseda buca la fundaziun e ladezia necessaria per transports grevs. Sil medem tschancun sesanfla duront igl unviern il trassé dalla loipa da cuorsa liunga. Quella profitass considerablamein dalla slargaziun sco era dall'eliminaziun dallas passaschas bletschas che fan luar la neiv. El cass ch'il tschancun Carcarola – Punt da Brulf fuss buca carrabels ord divers motivs, ei la via slargada in sviament adequat. Plinavon vegn la via cantunala sin quei tschancun mo rinforzada e buca slargada.

## Project

La surfatscha totala d'uaul enteifer il perimeter da project munta a 525 ha e cuntegn ina provisiun da lenna da 236 tfm/ha. Ils uauls egl ost dalla Bova Gronda sco era quels el sidvest dil perimeter adempleschan la funcziun d'uaul da protecziun (tip A, B e C). Cun ina surfatscha da 274 ha fuorma igl uaul da protecziun schurmegia oravontut ils uclauns da Cavardiras e Caprau sco era la via da colligaziun a Cavardiras da lavinas, boas ed aua gronda.


Tenor il plan da menaschi vegnan 28% dallas populaziuns valetadas sco stabilas, 68% dallas populaziuns disponan d'ina stabilitad reducida e 4% dallas populaziuns possedan ina stabilitad critica. Tenor las calculaziuns per l'utilisaziun dalla lenna el plan da menaschi per tgirar quels uauls munta il quantum annual a biebein 1'000 tfm. Quei vul dir ch'els proxims 40 onns vegnan 40'000 tfm transportai sur la via previda. Per saver ademplir las pretensiuns vegn la via rinforzada e slargada, quei tenor las normas "Waldstrasse<sup>STANDARD</sup>" digl uffeci d'uaul e prighels dalla natira dil Grischun. La ladezia dalla via vegn a muntar da niev 3.3 m (actual 2.2 m) plus radius dils carauns.



Amt für Wald und Naturgefahren

**Vorprojekt Waldweg Punt da Brulf - Fontanivas  
Gemeinde Disentis/Mustér**

Massstab 1:25 000



Perimeter project e concept da raccolta da lenna

## Cuosts

Sin fundament dil project ein ils cuosts vegni calculai. Ils cuosts per la realisaziun dil project via d'uaul Punt da Brulf – Sars secumponan sco suonda:

• Cuosts d'impressari, lavur reschia, installaziuns	frs.	62'500.00
• Runcadas, demontaschas	frs.	9'000.00
• Ancras	frs.	195'500.00
• Lavurs da scavament	frs.	137'500.00
• Lavurs da correcziun dall'aua	frs.	58'500.00
• Rasada da fundaziun	frs.	145'500.00
• Deflussiuns	frs.	41'000.00
• Lavurs da construcziun en betun	frs.	112'500.00
• Acquist da terren, mutaziuns, verdinar	frs.	4'500.00
• Nunpreviu (10%)	frs.	76'800.00
• Survigilonza, projectaziun (incl. cumpart cantun e vischn.)	frs.	75'900.00
• Taglia sin plivaleta	frs.	<u>70'800.00</u>
<b>Total</b>	<b>frs.</b>	<b>990'000.00</b>
<b>Contribuziuns confederaziun e cantun (70%)</b>	<b>frs.</b>	<b>693'000.00</b>
<b>Cumpart vischnaunca (30%)</b>	<b>frs.</b>	<b>297'000.00</b>

La fixaziun definitiva dil pei da subvenziun succeda en connex cun l'approbaziun dil project cun la decisiun da principi. Per quei project vegn quel a semover entuorn 70%.

## Realisaziun

Plan da termins:

• Terminaziun dalla consultaziun uffecis cantunals	fin matg 2018
• Approbaziun dil project entras cussegl da vischnaunca	8 da zercladur 2018
• Approbaziun dil credit entras cussegl da vischnaunca	8 da zercladur 2018
• Submissiun e surdada dallas lavurs	fenadur 2018
• Decisiun da principi e fixaziun dil pei da subvenziun entras uffeci d'uaul e prighels dalla natira	miez uost 2018
• Teminaziun dall'exposiziun dil project	fin settember 2018
• Approbaziun dil project entras cantun per damonda alla Regenza grischuna	fin november 2018
• Realisaziun dil project (dependent dall'aura)	2018/2019

## Proposta

Sebasond sin las consideraziuns suramenziunadas

### **p r o p o n a**

la suprastanza communal al cussegl da vischnaunca da:


1. Approbar il project "Via d'uaul Sars – Punt da Brulf" per realisaziun.
2. Conceder in credit net da frs. 297'000.-- per slargar e rinforzar la via d'uaul denter Sars e la Punt da Brulf (cun resalva dall'approbaziun dil project e credit entras las instanzas cantunalas).
3. Suttametter quella damonda da credit el senn dallas prescripziuns digl art. 21 lit. c dalla costituziun communal al referendum facultativ.

Suprastanza communal Disentis/Mustér  
Il president:

Il canzlist:



Robert Cajacob



Andri Hendry

Disentis/Mustér, ils 28 da matg 2018